



IRAGARKIA

2022ko azaroaren 17ko Alkatetza Dekretu bidez honakoa erabaki da:

LEHENA: Etxez etxeko laguntza zerbitzuko erabiltzaileen eta gizarte zerbitzuek artatutako pertsonen artean botiken erabilera optimizatzeko programa garatzeko, Gipuzkoako Botikarien Elkargoaren eta Azkoitiko udalaren arteko hitzarmena onartzea eta sinatzea, honako klausulen arabera:

“LEHENENGOA.- Helburua

Hauxe da hitzarmenaren helburua: Azkoitiko Udalaren Etxez Etxeko laguntza zerbitzua jasotzen duten eta gizarte zerbitzuak artatutako pertsonak botikak egoki erabiltzea, euren ziurtasuna eta eraginkortasuna bultzatuz. Programaren helburu zehatzak honako hauek dira:

- Gaixoei beren botikak ezagutu eta hauek nola erabili irakastea.
- Gaixoak errezetatutako botikak medikuak agindu moduan jasotzen laguntzea.
- Tratamenduarekiko atxikipena hobetzen laguntzea (tratamenduaren betetzea)
- Botikekin zerikusia duten arazoak identifikatu, adibidez bikoiztea eta huts egitea eta botikek eragin ditzaketen ondorio txarrak aurre ikusi edo saihestea.
- Etxez etxeko laguntzaileei edota zaintzaileei euren lana erraztea, botiken hartze, zainketa eta emateari dagokionean.
- Etxez etzeko laguntza langileen eta/edo zaintzaileen Prestakuntza eskaintzea.

BIGARRENA.- Onuradunak

1. Botiken erabilerari buruzko programa honen onuraduna izateko beren etxean bizi eta etxez etxeko laguntza zerbitzua jaso behar da edo familia-ingurunean zaintzeko prestazio ekonomiko bat jasotzen duten pertsonak izan behar dute. Era berean, hainbat arrazoiengatik gizarte-harrerako zentroetan dauden eta beren ezaugarri soziosanitarioengatik hitzarmen honen onuradun izan daitezkeen pertsonak ere sar daitezke.
2. Pertsona horiek botiken erabilera hobetzeko programan parte hartzea borondatezkoa da, baina etxez etxeko laguntza-zerbitzuaren edo familia-ingurunekeo zaintzarako prestazio ekonomiko baten onuradun direla edo gizarte-harrerako zentroetan bizi direla justifikatu behar dute, dagokion erakundearen zigiluaren bidez, eta programaren funtzionamendu-baldintzak onartzen dituztela



AZKOITIKO UDALA
AYUNTAMIENTO DE AZKOITIA

sinatu. Baldintza horiek 1.eranskin gisa agertzen den baimen informatua emateko dokumentuan jasota daude.

3. Programa honen erabiltzaileek edozein unetan utz dezakete programa, bete behar bakarra jakinaraztea da, zerbitzua jasotzen duen farmazia bulegoen eta gizarte zerbitzuetan.

HIRUGARRENA.- farmazia parte hartzailea

1. Parte hartuko duten farmaziek alde aurretik Gipuzkoako Botikarien Elkargoak onetsiak izango dira.
2. Ziurtagiria jasotzeko, farmazia bulegoak honako hauek izan beharko ditu, gutxienez dagokion prestakuntzarako ikastaro teoriko-praktikoa jaso duen farmazeutiko bat, farmaziako titularrak programara atxiki eta 2. eranskinean ageri den dokumentua bete eta Gipuzkoako Botikarien Elkargora bidali behar du.
3. Borondatez izen eman duten farmaziek programa Gipuzkoako Botikarien elkargoak adierazi bezala betetzera derrigortuta daude, baita zerbitzua zuzenki ematera, debekatuta dago zerbitzu hau beste batzuen ardurapean uztea edo azpikontratatea, gainera beste norbaitek azpikontratatu moduan bere zerbitzua eskainiz gero, behartuta daude salatzeraz.

LAUGARRENA.- Prozedura.

1. Gizarte zerbitzuen Departamentuak zerbitzu honen onuradun izan daitezkeen pertsoneri zerbitzu honen berri jakinaraziko die.
2. Programa honetan parte hartu nahi duen erabiltzaileak edo bere ordezkari legalak Gipuzkoako Botikarien Elkargoak onetsitako farmazia bat aukeratuko du.
3. Udaleko Gizarte Zerbitzuek sinatu eta zigilua ipinita 1.eranskinean ageri den baimen informatua emateko dokumentua emango diote, erabiltzaile berari edo bere zaintzaileari aukeratutako farmaziara joateko.

Pertsona onuradunak, bere zaintzaileak edo gizarte laguntzaileak aukeratutako farmazian programan parte hartzeko baimen informatua emateko dokumentua sinatu eta zigilua emanda entregatuko du.



AZKOITIKO UDALA
AYUNTAMIENTO DE AZKOITIA

4. Farmaziak Gipuzkoako Botikarien Elkargoari programan izandako izen-emate edo bajen berri emango dio, dagokion baimen informatua kopia dokumentua igorritz.
5. Baimen informatu dokumentua sinatu ondoren aukeratutako farmaziak elkarrizketa egingo dio onuradunari edo zaintzaile edo bere etxeko laguntzaileari, programa egoki betetzeko ahalik eta datu gehien eskuratzeko, Gipuzkoako Botikarien Elkargoa onarturakoaren arabera. Datu hauek bere mediku arduradunarekin alderatuko dira.
6. Era berean farmazialariak onuradunaren tratamendua berrikusi eta jarraipena egin behar du, sendagaiei dagozkion arazorik izan daitekeen antzemateko, esaterako elkarreragina, bikoizketa, dosi eta denbora tarte desegokia. Halakorik balitz, mediku arduradunarekin harremanetan ipini eta elkarrekin erabakiko lukete zer egin zuzentzeko. Medikuari bidalitako arazoak eta interbentzio-proposamenak Jarraipen Batzordeak erabakitako sailkapenaren arabera identifikatuko dira.
7. Une horretatik aurrera, farmaziak onuradunaren preskripzio aktiboak ikusten dituen bakoitzean, legez aurreikusitako moduan dispentsatuko ditu osasun-txartelaren bidez. Ondoren, emandako botikak zaintzapean gordeko ditu, adostutako eperako dosifikazio-sistema pertsonalizatuak prestatzeko. Dosifikazio horiek aldiro prestatzen eta entregatzen jarraituko du. Dosifikazio-sistema pertsonalizatuekin batera, tratamendu bakoitzaren hasieran, pazienteari edo haren arduradunari dosifikazioaren parte diren botika guztien prospektuak emango zaizkio eta botikak kontserbatzeko moduari buruzko informazioa emango zaio.
8. Dosifikazio sistema pertsonalizatuko epe bakoitza bukatzen denean edo tratamenduan aldaketaren bat dagoen bakoitzean, onuradunak gelditzen zaizkion sendagaiak botikara itzuli egingo ditu, dauden egoeran daudela, berriak jaso aurretik.
9. Hilero, farmaziak Gipuzkoako Botikarien Elkargora programaren ebaluazioari buruzko neurgailuak eta adierazgarriak igorriko ditu, honetarako onuradun bakoitzak 3. eranskineko datu orria beteko du (formulario bidez) eta telematikoki bidaliko da informazio-sistema espezifikoko baten bidez.

BOSGARRENA.- Azkoitiko Udalaren betebeharrak

1. Erraztasunak eskaintzea, lankidetzeta-hitzarmenaren helburuak bete daitezen.
2. Aukeratutako erabiltzaileek, zaintzaileek edo etxeko laguntzaileek botiken erabilera optimizatzen zerbitzua prestatuko duen farmazia libreki aukeratuko dutela bermatzea.



AZKOITIKO UDALA
AYUNTAMIENTO DE AZKOITIA

3. Programa garatzeko Udalak izango duen beharrezko informazioa Gipuzkoako Botikarien Elkargo Ofizialari eskaintzea, baina, beti ere, datu pertsonalak babesteko legean ezarritakoa betez.

SEIGARRENA.- Sendagaigileen Elkargoaren betebeharrak

1. Erraztasunak eskaintzea, lankidetzeta-hitzarmenaren helburuak bete daitezen.
2. Onetsitako farmaziek parte hartuko dutela bermatzea.
3. Botikariei eta etxeko laguntzaileei programari buruzko prestakuntza ikastaroak antolatzea.
4. Programa garatzeko beharrezko informazioa eskaintzea ko Udalari.

ZAZPIGARRENA.- Programaren finantzaketa

Programa burutzeko kostuak parte hartuko duten onetsitako farmazien kontura izango dira.

Osasun Sailak diru-laguntzak emango dizkie hitzarmen honetan aipatutako programan parte hartuko duten onetsitako farmaziei, onuradun bakoitzari emandako zerbitzuen arabera. Eta, beti ere, 2009 otsailaren 25ean Osasun Sailak eta EAeko Botikarien Elkargoek sinatutako hitzarmenean hitzartutakoaren arabera.

ZORTZIGARRENA.- Programa ebaluatzeko batzordea

Hitzarmen honen ondorioz burutuko diren ekintzen jarraipena eta ebaluazioa egiteko batzorde parekidea eratuko da, eta, bertan, alderdietako ordezkariak hartuko dute parte. Batzordeak proiektuaren funtzionamendu egokia bermatzeko egin beharrekoak egingo ditu, eta burututako ekintzen memoria idatziko du.

BEDERATZIGARRENA.- Lankidetzarako bestelako bideak

Programan parte hartuko dutenen prestakuntza hobetzeko egokitzat jo daitezkeen bestelako lankidetzeta-bideak ere jorratu ahal izango dira. Halaber, bide horiek bestelako lan hauetarako ere jorratuko dira: proiektu berritzaileak diseinatu eta gauzatzeko,



AZKOITIKO UDALA
AYUNTAMIENTO DE AZKOITIA

egoki iritzitako ikerketak egiteko, informazioa trukatzeko eta, oro har, erakunde sinatzaileek dituzten helburuak lortzeko baliagarriak izango diren eskaintzak egiteko.

HAMARGARRENA.- Babesleak

Programa hau publikoki aipatzen denean, ko Udalak eta Gipuzkoako Botikarien Elkargoak elkarri onartuko diote bi erakundeak direla programaren egile.

HAMAIKAGARRENA.- Hitzarmenaren iraupena eta hitzarmena amaitzeko arrazoiak

1. Lankidetzeta-hitzarmenak sinatzen den egunean hartuko du indarra, eta 4 (LAU) URTE arte luzatuko da. Hala ere, alderdietako batek salatu egin ahal izango du hitzarmena, baina, gutxienez, indarrean dagoen epealdia bukatu baino bi hilabete lehenago adierazi beharko du argi eta garbi.
2. Hitzarmena amaitzeko arrazoiak honako hauek izango dira:
 - a) Edozein klausula ez betetzea; nolana ere, horrek ez dakar berekin dagozkion ordainak edo/eta kalte-ordainak ez ematea.
 - b) Etxe-laguntzarako zerbitzuek artatutako pertsonen medikazio erabilera hobetzeko, 2009ko otsailaren 25ean Osasun Sailaren eta EAEko Botikarien Elkargoen arteko lankidetzeta hitzarmena iraungitzea.
 - c) Alderdi sinatzaileen adostasunez hitzarmena amaitzea erabakitzea.
 - d) Alderdietako batek uko egitea; kasu honetan, bi hilabete aurretik abisatuko da.
 - e) Aurreikusitako epeak eta luzapenak ez betetzea.”

BIGARRENA.- Erabakia Gipuzkoako Botikarien Elkargoari eta Azkoitiko Udaleko Kontuhartzaitza sailari jakinaraztea.

HIRUGARRENA.- Hitzarmenaren testua Udaletxeko Iragarki Taulan eta Gardentasun Atarian argitaratzea.

ALKATEAK,